

БУРЛАКОВ АНДРЕЙ

1920 джил. Үвл. Күчтә Улан Церг, цагъачудин цергүдиг хамх цокдж, кббдж гаргъсн цаг.

Хальмг таньгъчин газрар дамдjad цагъачудин церг, Улан Цергас зулдж йовсн болдг. Хальмгин теегт үлдсн цагъачудин цергас эн газриг сулджкар, Волго-Каспийск Дяанә Тенъгсин флотин Кожановин десантн отряд Енотаевск балгъсн деер цуглрв.

1920 джилд январь сарин 3 бдр Хальмг таньгъчин ЦИК-н пленум, Натра Галзн болн намаг, Енотаевскд бәәсн, тер десантн отрядин штабд политработник гидж шииддж илгәв.

Маниг штабд бәәтл Харухс нутгас Бурлаков Андра, бдрән нег кбвү дахулсн ирв. Хальмгин теегт тер цагт юн болджахъ манд сәәнәр медгдәл уга билә. Ягъад гихлә, тер алднд манас тигәрән күн одал чигн уга, тендәс чигн күн ман тал йовлцад уга цаг. Эн мана теегәс сәәнәр зәнъг авад

уга цагла, Бурлаков Андра мана штабд ирдж, манд кесг сән зәнъг сонъсхв. Болв, Андра Харухс деерк зәнъгиг медхәс биш, наадк нутгудт юн болджахинъ медхш.

Наалк нутгудас зәнъг авхин төлә болн Советин йосна чинринъ теегин хальмгудт эврә келәр цәәлгъдж бгхин төлә, штабин зааврар би Бурлаков Андраг дахулад Харухс тал йовв.

1920 джилин январь сарин сууләр Бурлаков Андра, түүнә бдрк кбвүн, би—гурвулн Енотаевск балгъснас хойр темә, нег мбр унад увлин хорн киитнд, цасн догр Утт хәләгъад гарввдн. Үвлин шуургъта киитнд цасар бүркгдсн газр, тенъгр хойриг йилгъдж болхш. У тег, энъ-зах уга тенъгсин бәәдл гарна. Эн теегәр, кбрә бдмгән джаджлад, усна ормд цас идчкәд, нббрән күрхлә, темәдән цасн деер кевтүлчкәд, хоориднъ кевтәд, баахн зуур амрчавчкәд, йова-йовдж, хойр

сб, гурвн бдр болад, Үдин хббн Уттар орад ирввдн.

Уттд ирәд, Харухсин улсас болн* Ик-Цоохр нутгас сән зәнъг авад, әмтнлә таньлдад, теднд Советин йосна болн до-тагъин кесг керг-уулин туск цәәлгъвр кевв. Эн кбдлмштм Бурлаков Андра нанд сән нбкд болв.

Дарунъ, тер джилин февраль сард Хальмг таньгъчин Революционн комитетин даалгъврар Бурлаков Андра бидн хойр Харухс нутгт Советин йос токтаввдн. Хббннъ Харухс нутга Советин хургт, нутга Советин күцәгч комитетин түүрүн ахлачн болдж Бурлаков Андра шиидгв. Тегәд Бурлаков Андра хальмг кбдлмшч улсин сәәгъинъ хәәдж, сәәнәр эн кбдлмшән кев.

Харухсас Ик-Цоохр нутгур Казимиров Иван бидн хойр Советин йос токтахар одввдн. Туунә хббн, 1920 джилин хаврас авн би Ик-Цоохр нутга дяанә комиссар болдж кбдлвв. Тегәд, залгъу бәәсн Харухс нутга Советин күцәгч комитетин ахлач Бурлаков Андра-

ла харгъад бәәдгәрн, түүнә күцәдж йовсн, әмтнд туста кбдлмшинъ меддг биләв.

1921 джил намаг Аядрхн балгъснд, Хальмг партин обкомд кбдлдж бәәтл Бурлаков Андра Ик-Цоохр нутгт хот-хоолн комиссар болдж кбдлдж йовла. Тер цагт Ик-Цоохр нутгар Маслакин банд ордж ирсн болдг. Эн бандла ноолддж, Советин йос харсдж йовад, Бурлаков Андра 41 наста, сәәхн цагтан бандт алгдв. Энүнлә хамдан нанъ чигн кесг коммунистр, красноармейцир, милицир болн Советин парвләнд цергддж йовсн улс, уттурштаң 32 күн, Ик-Цоохра Чилгр селән деер цагъачудин гарар алгдсмн.

Ачтә Советин йос харсдж, Алдр Коммунистическ партин заавр күцәдж йовад Бурлаков Андра әмән бгв.

Бурлаков Андраң нанъ чигн терүнлә хамдан әмән бгсн иим баатр улсин нердинъ мартдж болш уга. Эднә күцәдж йовсн чинртә кбдлмшнъ, олна төлә әмән бгснъ—мана тууджд орх йоста.

МАЙОРА Бадм.